

Risalah

Rapat Paripurna DPRD Kabupaten Sumenep



**HIMPUNAN RISALAH
TAHUN 2024**



Masa Sidang I
Tahun Sidang 2024

**Memperingati Hari Jadi
Kabupaten Sumenep ke - 75**



Disusun oleh:
Sekretariat DPRD
Kabupaten Sumenep



Sub Bagian Perencanaan dan Kajian
Bagian Perencanaan dan Perundang - Undangan

DAFTAR ISI

HALAMAN SAMPUL	i
Daftar Isi	ii
I. Rapat Paripurna Memperingati Hari Jadi Kabupaten Sumenep yang ke 755	1
1. Penyampaian Ringkasan Cerita tentang Kabupaten Sumenep	25
2. Sambutan Ketua DPRD Kabupaten Sumenep	30
3. Sambutan Bupati Sumenep	49



**DEWAN PERWAKILAN RAKYAT DAERAH
KABUPATEN SUMENEP**

**RISALAH
RAPAT PARIPURNA
MASA SIDANG I TAHUN SIDANG 2024**

HARI	: Kamis
TANGGAL	: 31 Oktober 2024
PUKUL	: 09.00 WIB
TEMPAT	: Graha Paripurna
JENIS RAPAT	: Rapat Paripurna
SIFAT RAPAT	: Terbuka
ACARA RAPAT	: Memperingati Hari Jadi Kabupaten Sumenep ke 755

PIMPINAN RAPAT

1. N a m a : H. ZAINAL ARIFIN, SH
Jabatan : Ketua DPRD Kabupaten Sumenep
2. N a m a : H. DUL SIAM, S.Ag., M.Pd
Jabatan : Wakil Ketua DPRD Kabupaten Sumenep
3. N a m a : M. SYUKRI, SH
Jabatan : Wakil Ketua DPRD Kabupaten Sumenep
4. N a m a : M. SYUKRI, SH
Jabatan : Wakil Ketua DPRD Kabupaten Sumenep

SEKRETARIS RAPAT

- N a m a : Yanuar Yudha Bachtar, S.Pi., M.Si
Jabatan : Sekretaris DPRD Kabupaten Sumenep

JUMLAH ANGGOTA DPRD KABUPATEN SUMENEP : 50 ORANG

JUMLAH ANGGOTA YANG MENGHADIRI RAPAT : 42 ORANG

JUMLAH ANGGOTA YANG TIDAK MENGHADIRI RAPAT : 8 ORANG

I. ANGGOTA YANG MENGHADIRI RAPAT

1. Fraksi Partai Demokrasi Indonesia Perjuangan : 9 Orang

1. H. Zainal Arifin, SH
2. Hosnan, S.I.P., M.A.P
3. Sutan Hady Thahyadi, SH
4. Eka Bhagas Nur Ardiansyah
5. Sulahuddin, ST
6. Abd. Rahman
7. Endi
8. Umar, SM
9. Wahyudi, S.Sos.

2. Fraksi Partai Kebangkitan Bangsa : 9 Orang

1. H. Dul Siam, S.Ag. M.Pd.
2. Rasidi, S.Pd.
3. Irwan Hayat, S.H.I.
4. Muhammad Mirza Khomaini Hamid, SH
5. H. Eksan, SE.
6. M. Muhri, S.Th.I
7. H. Sami'ueddin, S.Pd.I
8. Akhmadi Yasid, SH.
9. dr. Ny. Hj. Virzannida

3. Fraksi Partai Demokrat : 5 Orang

1. H. Indra Wahyudi, SE. M.Si
2. Afrian Muklas GZ, S.ST
3. Drs. Akhmad Jasuli
4. Moh. Fendi, SE
5. H. Masdawi

4. Fraksi Partai Persatuan Pembangunan : 6 Orang

1. M. Syukri, SH
2. Dr. H. Moh. Asy'ari Muthhar, M.Fil.I
3. Abd. Rahman, SE
4. Drs. H. Mas'ud Ali
5. Juhari, S.Ag
6. Bambang Eko Iswanto

5. Fraksi Partai Nasional Demokrat : 4 Orang

1. H. Muta'em
2. Ahmad Juhairi, S.IP., M.Phil
3. Samsiyadi
4. Ersat
5. Afrilia Wahyuni
6. Badrul Aini

6. Fraksi Partai Amanat Nasional : 4 Orang

1. Gunaifi Syarif Arrodhly
2. H. Musahwi, A.Ma
3. H. Faisal Muhlis, S.Ag.
4. Hairul Anwar, M.T.

7. Fraksi Gerindra PKS : 3 Orang

1. Wiwid Harjo Yudanto, SE
2. Syamsul Bahri
3. Agus Hariyanto

II. ANGGOTA YANG TIDAK MENGHADIRI RAPAT

Izin

1. Mulyadi, SH., MH (Fraksi Partai Demokrat)
2. Siti Hosna, M.Hum. (Fraksi PAN)

Cuti

1. Hj. Nia Kurnia (Fraksi PDI Perjuangan)

Tanpa Keterangan

1. Darul Hasyim Fath (Fraksi PDI Perjuangan)
2. Saipur Rahman, S.Kep. (Fraksi PKB)
3. M. Ramzi, S.I.P (Fraksi PKB)
4. Drs. H. Mohammad Hanafi, MM (Fraksi Partai Demokrat)
5. Holek, S.Pd.I (Fraksi Gerindra PKS)

III. TURUT HADIR

1. Hj. Dewi Khalifah, SH., MH., M.Pd.I : Plt. Bupati Sumenep
2. Letkol Inf. Yoyok Wahyudi, S.I.P., M.Han : Dandim 0827 Sumenep
3. AKBP Hendri Noveri Santoso, SH.SIK.MM : Kapolres Sumenep
4. Yuli Purnomo Sidi, SH., MH : Ketua Pengadilan Negeri Sumenep
5. Moh. Jatim, S.Ag., SH.I : Ketua Pengadilan Agama
6. Ir. H. Edy Rasiadi, M.Si : Sekretaris Daerah Kabupaten Sumenep
7. H. Abdul Wasid, M.Pd.I : Kepala Kantor Kementerian Agama
8. Yanuar Yuda Bahtiar, S.Pi., M.Si : Sekretaris DPRD Kabupaten Sumenep
9. Ferdiansyah Tetrajaya, SH : Asisten Administrasi Umum

10. Nurul Jamil, S.Sos., M.Si : Plt. Inspektur Kabupaten Sumenep
11. Arif Firmanto, S.STP., M.Si : Plt. Kepala Badan Kepegawaian dan Pengembangan Sumber Daya Manusia
12. Drs. Achmad Dzulkarnain, MH : Kepala Badan Kesatuan Bangsa dan Politik
13. Drs. Ach. Laili Maulidy, M.Si : Kepala Pelaksana Badan Penanggulangan Bencana Daerah
14. R. Titik Suryati, SH., MH : Kepala Badan Keuangan dan Aset Daerah
15. Faruk Hanafi, S.Sos., M.Si : Kepala Badan Pendapatan Daerah
16. Beni Irawan, ST., MT : Kepala Badan Riset dan Inovasi
17. Arif Susanto, AP., M.Si : Kepala Dinas Lingkungan Hidup

18. Indra Wahyudi, ST., MT : Kepala Dinas Kominikasi dan Informasi
19. Ir. Eri Susanto, M.Si : Kepala Dinas Pekerjaan Umum dan Tata Ruang
20. Drs. Yayak Nurwahyudi, M.Si : Kepala Dinas Perumahan Rakyat Kawasan Permukiman dan Perhubungan
21. drg. Elya Fardasyah, M.Kes : Kepala Dinas Kesehatan, Pengendalian Penduduk dan KB
22. Drs. R. Achmad Sahwan Effendy : Kepala Dinas Kependudukan dan Pencatatan Sipil
23. Chainur Rasyid, SE., M.Si : Kepala Dinas Ketahanan Pangan dan Pertanian
24. Dr. R. Abd. Rahman Riadi, SE., M.Si : Kepala Dinas Penanaman Modal, Pelayanan Terpadu Satu Pintu

25. Moh. Ramli, S.Sos., M.Si : Kepala Dians Koperasi dan Usaha Mekro Perindustrian dan Perdagangan
26. Drs. Agustiono Sulasno, MH : Kepala Dinas Perikanan Kabupaten Sumenep
27. Mohammad Iksan, S.Pd., MT : Kepala Dinas Kebudayaan, Kepemudaan, Olahraga dan Pariwisata
28. Agus Dwi Saputra, S.Sos., M.Si : Kepala Dinas Pendidikan Kabupaten Sumenep
29. Rudi Yuyianto, SE., M.Si : Kepala Dinas Perpustakaan dan Kearsipan
30. Anwar Syahroni Yusuf, AP., M.Si : Kepala Dinas Pemberdayaan Masyarakat dan Desa
31. Drs. Mustangin, M.Si : Kepala Dinas Sosial Pemberdayaan Perempuan dan Perlindungan Anak
32. Hendri Kurniawan, S.Pd.I : Direktur PD. Sumekar
33. Fembri Noerdiansyah, S.A.P : Direktur Utama PDAM

- 34.M. Merza, ST : Direktur PT. WUS
- 35.Joko Satrio, S.I.P., M.Si : Kabag Tata Pemerintahan
Sekretariat Daerah
- 36.Hizbul Waathan, SH., MH : Kabag Hukum Sekretariat
Daerah
- 37.Dadang Dedy Iskandar, SH., MH : Kabag Perekonomian dan
SDA Sekretariat Daerah
- 38.Kamiluddin, S.Pd.I : Kabag Kesejahteraan
Rakyat Sekretariat Daerah
- 39.Drs. Ec. A. Tirmidi, MM : Kabag Administrasi
Pembangunan Sekretariat
Daerah
- 40.Destianto Sudiantono, ST : Kabag Umum Sekretariat
DPRD Kabupaten Sumenep
- 41.Siswahyudi Bintoro, SH. M.Si : Kabag Pengawasan dan
Panganggaran Sekretariat
DPRD Kab. Sumenep
- 42.Drs. H. Moh. Kadarisman, M.Si : Kepala Bagian Program dan
Keuangan Sekretariat DPRD
Kabupaten Sumenep

43. Hasan Basri, SH : Kabag Persidangan dan Perundang-undangan Sekretariat DPRD Kab. Sumenep
44. Yudi Nursukmadyanto, S.STP : Camat Kota
45. Joko Satrio, SIP., M.Si : Plt. Camat Batuan
46. Drs. Wismadi Laksono, MH : Camat Dasuk
47. Hakiki Maulana Firmansyah, S.STP : Camat Kalianget
48. Abdul Khalid, S.Sos., M.Si : Camat Ganding
49. Muhammad Sidqi ZN, SE., MM : Camat Guluk-Guluk
50. Indra Hernawan, S.Sos., MM : Camat Pragaan
51. Abd. Said, S.Sos.I., M.Si : Camat Giligenting
52. Ir. Bambang Karyanto : Camat Bluto
53. Ir. Imam Suhadi, MT : Camat Gapura
54. Ir. Arif Hidayat, M.Si : Camat Dungkek
55. Mujib, S.Sos., M.Si : Camat Batang-batang
56. Zainal Arifin, S.Sos., M.Si : Camat Batuputih
57. Kusyadi, S.Sos., M.Si : Camat Saronggi
58. Ir. Supardi, MM : Camat Lenteng
59. Nur Habibi, S.STP., MH : Camat Talango

60. Siswahyudi Bintoro, SH. M.Si : Plt. Camat Manding
61. Tabrani, S.STP : Camat Rubaru
62. Sukaryo, SH., M.Si : Camat Gayam
63. Robi Firmansyah Wijaya, SE., MM : Camat Nonggunong
64. Subianto, SH., MH : Camat Raas
65. Achmad Auzai Rahman, S.Sos : Camat Masalembu
66. Aminullah, S.Pd : Camat Sapeken
67. Nurullah, SH : Camat Kangayan
68. Hairil Fajar : Direktur BPRS Bhakti
Sumekar
69. M. Mohammad Arif Firdausi : Kepala Cabang Bank Jatim
70. Tadjul Arifin : LSM Insani
71. R. H. Tatang Sapto Haji, SE : Ketua APINDO
72. Dr. Evi Febriani, S.Psi., M.Psi : Direktur EPC Consulting
73. H. Ibnu Hajar, M.Pd : Budayawan Sumenep

IV. DASAR PELAKSANAAN RAPAT PARIPURNA

1. Surat Ketua DPRD Kabupaten Sumenep tanggal 23 Oktober 2024 Nomor : 100.2/46372/050.2/2024 Perihal Rapat Bamus DPRD Kabupaten Sumenep;
2. Surat Ketua DPRD Kabupaten Sumenep tanggal 23 Oktober 2024 Nomor 100.2.1/4640/050.4/2024 Perihal Penyampaian Jadwal Kegiatan DPRD;
3. Surat Ketua DPRD Kabupaten Sumenep tanggal 28 Oktober 2024 Nomor : 100.2/4729/050.04/2024 Perihal Rapat Paripurna DPRD Kabupaten Sumenep.

V. CATATAN KEGIATAN RAPAT PARIPURNA

Sesuai dengan dasar pelaksanaan rapat di atas maka pada hari Kamis tanggal 31 Oktober 2024 dilaksanakan Rapat Paripurna Dewan Perwakilan Rakyat Daerah Kabupaten Sumenep Masa Sidang I Tahun Sidang 2024 dengan acara Memperingati Hari Jadi Kabupaten Sumenep ke 755. Sedangkan catatan kegiatan dari perjalanan rapat dimaksud sebagai berikut :



1. Pranata Semo

Ajunan para rabu se bedhen kaule amolja'agi, ngereng kasokan alonggu de' tempat se ampon e sadiye'agi.

Assalamu'alaikum Wa Rahmatullahi Wa Barakatuh

Rapat Paripurna edalemanna ngaemodhi bebbere Kabupaten Songenep se kapeng pettongatos saeket lema', Kemis, tellopolo settong Oktober duebu pak lekor badhi ekabidhi.

- Ngereng kapidhi areng sareng alampaagi lagu Indonesia Raya
- Para rabhu eso'ona ka'agguy ngadheg

Indonesia tanah airku

Tanah tumpah darahku

Disanalah aku berdiri

Jadi pandu ibuku

Indonesia kebangsaanku

Bangsa dan Tanah Airku

Marilah kita berseru

Indonesia bersatu

Hiduplah tanahku

Hiduplah negriku

Bangsaku Rakyatku semuanya

Bangunlah jiwanya

Bangunlah badannya

Untuk Indonesia Raya

Indonesia Raya

Merdeka Merdeka

Tanahku negriku yang kucinta

Indonesia Raya

Merdeka Merdeka

Hiduplah Indonesia Raya

Indonesia Raya

Merdeka Merdeka

Tanahku negriku yang kucinta

Indonesia Raya

Merdeka Merdeka

Hiduplah Indonesia Raya

- Para rabhu eyatore alonggu
- Acara sateros epon badan kaule e atoraghi dha' ka salerana se molja Bekkel Katuwa DPRD Kabupaten Songennep menangka se nyepowe rapat paripurna



**H. Dul Siam, S.Ag., M.Pd menangka se nyepowe rapat paripurna mukka'
Rapat Paripurna**

2. Katoa Rapat

Bismillahirrohmanirrohim

Assalamualaikum Warahmatullahi Wabarokatuh

Sarempék sareng rarengan se ampon ejadwallagi sareng Badan Musyawarahe tanggal 23 Oktober Taon 2024, pramela dhari ka'dhinto Sidang Paripurna DPRD Kabupaten Songenep are mangken, Kamis tangghal tello polo sittung Oktober 2024 enggi paneka e dhalem rangka Marengeddi Hari Jadi Kabupaten Songenep Se Kapeng 755 (*pettong atos saeket lema*”).

Dhari ka'dhinto lerres pokol 10.02 menit Bakto Indonesia Bagian Bara', kalaban ngocappagi "*bismillahirrohmanirrohim*" Rapat Paripurna edhalem rangka Marengeddi Hari Jadi Kabupaten Songenep se Kapeng 755 (*pettong atos saeket lema*'), Masa Sidang Kapeng Sittung' Taon Sidang 2024 (*duwibu pa'lekor*), badan kaula anyataagi ebukka'.

(Katoa Rapat ngetok palu tello kale)

- Ka-atora se badan kaula hormadi taretan Plt. Bupati Songenep;
- Se badan kaula hormadi taretan Unsur Forum Koordinasi Pimpinan Daerah Kabupaten Songenep;

- Se badan kaulla hormadi ca-kanca Pimpinan DPRD, Pimpinan Fraksi, Pimpinan Alat Kelengkapan sareng ca-kanca Anggota DPRD Kabupaten Songenep;
- Se badan kaulla hormadi taretan Sekretaris Daerah, para Asisten Sekda, para Kepala OPD, para Camat sareng sadaja unsur Pangallampa Pamarenta Kabupaten Songenep;
- Se badan kaulla hormadi tor amolja-agi para Olama pangromat panatagama, tor taretan Pimpinan LSM, Organisasi Kapamudaan, ca-kanca Pers sareng para rabu se padha molja.

Puji syokkor etanduggagi dha' ajunan Guste Allah se agung amorba jagad, amarga atas sadaja kasokanna e are se ampon senap tor nyampornaagi, badan kaula sadaja bisa alampa-agi Rapat Paripurna Parengeddan Hari Jadi Kabupaten Songenep se Kapeng 754 (*pettong atos saeket empa'*) Taon 2023 (*duwibu tellolekor*).

Sholawat sareng salam moga eyatorragiya tor etandugagiya dha' salerana se molja Kanjeng Nabi Muhammad *Shallallahu 'Alaihi Wasallam* se ampon abakta ommadda dha' jalan se loros, jalan se eridho'i, se nojju kasalameddan tor kasampornaan dari dunnya kantos akher jaman.

Para Rabu, Para Onjangan, Se Same Parjuga

E dhalem marengeddi hari jadi Kabupaten Songennep, badan kaula sadaja sakoni' bannya' ampon padha ngagali dha' maksod tor tojuwan epon, enggi paneka menangka pangongkap tor pangrasa sokkor atas badhana tor ngadegga Kabupaten Songennep, se kantos are mangken ampon ngalampane omor pettongngatos saeket lema' taon.

Pangareb badan kaula sadaja, Songennep natkala ampon aomor se ampon kabilang seppo paneka, nyoppreya sanggup ngobararenggan nyoppre andaddiyagiya simbul kamajuan paradhaban se ngongguli sareng daerah-daerah laen.

Salaen dhari ka'dhinto, parengeddan hari jadi jugan bisa edaddiyagi menangka sarana refleksi dha' badan kaula sareng panjenengnan sadaja. Akadi se ampon kalampun are samangken se acem-macem barna sadajana ta' leppas dhari lalampun epon para bangaseppo, para pangadeg sareng panata nagara kantos ngadegga Kabupaten Songennep.

Parlo jhughân bhâdhân kaulâ maèmot, Kabupaten Songennep paneka tak kalowar dhari enggun se kosong e dhalemanna lalampun sejarah. Dhari ka'dhinto, ponapa se ampon eyanggi' kantos are mangken aropaagi sambungan dhari settong kadaddiyan se ta' kengeng epesa

dhari lampadda sareng anggi'anna *sejarah* se ampon eparengagi sareng para bangaseppo kalampan.

Salerana para bangaseppo songennep se ampon nyaba' dhasar tor nombuwagi pamanggi-pamanggi se sokla, kantos Songennep saat samangken akaton buto akadi settong bangonan compo' se aropaagi compo'na badan kaula sareng panjenengnan sadaja, sangkolan se banget rajha ajina tor kodu perte sareng romat areng-sareng.

Pramela dhari ka'dhinto, ngereng badhana Rapat Paripurna Parengeddan Hari Jadi Kabupaten Songennep se Kapeng 754 (*pettong atos saeket empa'*) paneka, menangka edaddyagiya *momentum* kaangguy mabali pole kakowadan para bangaseppo gi' dhimen se kantos mampo abangon Songennep se langkong maju tor kantos ka-agungan martabat.

Para rabu, Rapat Paripurna, se Same Parjuga.

Aropaagi sala settong rontodan dhari acara parengeddan hari jadi kabupaten songennep se kapeng 755 (*pettong atos saeket lema'*), Rapat Paripurna Parengeddan Hari Jadi Kabupaten Songennep are mangken bakal elampagiya kalaban sosonan acara akadi ka'dhinto, enggi paneka :

- Kapeng sittung pambukaan, se ampon kalampan;
- Kapeng dhuwa' sambutan Katowa DPRD Kabupaten Songenep;
- Kapeng tello' sambutan salerana Bupati Songenep;
- Kapeng emp'a' pamaosan du'a
- Kapeng lema' panotop

Saka'dhinto sosonan acara Rapat Paripurna Parengeddan Hari Jadi Kabupaten Songenep se Kapeng 755 (*pettong atos saeket lema'*). Saterros epon ngereng eyatore dha' ka pranata semo nyopre ngator jalanna lalampun saat are mangken, bakto sareng kenengngan ka-ator.

3. Pranata Semo

Rapat paripurna saat samangken, badhi ngaemodhi beberre Kabupaten Songenep, se kapeng pettongatos saeket lema', se ekabidhi kalaban pamaosan sadeddel rengkessa beberre jenneng Kabupaten Songenep, se hal ka'dinto ejerbhe'agi sareng salerana bekkel Katowa DPRD Kabupaten Songenep, dhe' Bapak H. Indra Wahyudi, SE., M.Si badan kaule ngatore.



**H. Indra Wahyudi, SE., M.Si bekkel Katowa DPRD Kabupaten Songenep
maos beberre Kabupaten Songenep**

4. H. Indra Wahyudi, SE., M.Si (Bekkel Katuwa DPRD Kabupaten Songenep)

Assalamualaikum Warahmatullahi Wabarokatuh

Arya Adikara Wiraraja se ngadheggagi Nagara Songenep kantos samangken ampon aomor pettongatos saeket lema' taon. Arya Wiraraja ka'dhinto menangka panonggul otama e bakto ngadeggagi Karaja'an Majapaet kantos ngalampa'agi jaman se paleng samporna enggi paneka mampo agimpo' tor manyettong polo-polo sa nusantara kantos mancanagara, e dhalem pamarenta'anna Prabu Hayam Wuruk.

Bannya' Adipati se kalonta gun Songenep, akadi panembaan Joharsari e Tanjung Saronggi, Radin Piturut panembaan Mandaraga Keles Ambunten, Panembaan Wirakrama e Polo Podhay, kantos dha' Jokotole Radin Arja Kujopanole otaba se kasambat Pangeran Saccadiningrat II se longet abadi kerres, ta' keres e dhalem lorok, kaagungan jaran sebrani se megaremmeng tor kantos mampo makabun tor malares Dempo Abang dari nagara sebrang.

Pangeran Lor sareng Pangeran Wetan rato kembar se penonjul baja epon Radin Patah otaba Soltan Alam Akbar Al Fatah menangka Rato Agung Demak Bintoro, salerana kantos mampo maancor tor makabun tantara Bali, se ngalorok dha' nagara Songenep. Penonjul perrang epon Nagara Bali akadi Pate Kebuwaju, Guste Jalantik, Guste Pameccut, Guste Jumenna sadaja se kabun kantos aobbar e Kampong Billa'an Karang

Panasan Kacongan, pas karena la-balana buru ka lao', tapapas e penggir sereng, pas enyamae Disa Penggir Papas, kabadha'anna ana' barana' kantos saat samangken.

Jugan Songennep oneng eparenta sareng Pangeran Anggadipa taretan sapopona Sultan Agung Rato Agung Mataram Islam, bakto jaman ka'dhinto salerana madhateng settong bujangga se asma epon *Anggasuta* se nyepta rarenggan abadhi buja dhari aeng tase' se kantos daddi pangoreban oreng Penggir Papas sareng Karanganyar kantos samangken. Salerana Pangeran Anggadipa marenta, apareng sangkolan dha' Songennep enggi paneka masegit laju neng Kapanjin ebangon taon 1634 Masehi se gi' paggun sodeg tor segeg.

Manabi nengale badhana Nagara Songennep samangken ampon aropaagi settong kottha kabupaten kantos aomor Pettong Atos Saeket Lema' Taon, sajjegga badhana Arya Adikara Wiraraja se narema kakancengan dhari Rato Singasari Prabu Kartanagara. Kabupaten Songennep ngadhek sodek parjuga kantos saat samangken eparenta sareng para Adhipati ban Bupati kantos saeket dhuwek se neggu' pamarentaan dhari Arya Adikara Wiraraja Kantos Bupati Achmad Fauzi Wongsojudo.

E bakto paperrangan Pangeran Trunojoyo, Songennep badha e dhalem parentana Kanjeng Tumenggung Judhanagara, bannya' abanto bala panjurit kaangguy merrange panjaja Balanda e tana jaba. Jugan

oneng eparenta sareng Radin Ahmad Pangeran Cakranagara peng tello' se kasambat Pangeran Jimat se pamarentaanna kantos ngobasane Polo Madura sareng penggir sereng dhaja bun temor Jaba Temor.

Dhineng para kanjeng se ngastane pamarentaan e Songennep kasebbhut badha sala settong rato bine' enggi paneka Radin Aju Rasmana Tertanagara se pamarentaanna pas epagante dha' rakana se kaagungan asma Bindara Saod ajajuluk Radin Tamenggung Tertanagara, marenta e taon 1750 kantos 1762. Apotra Radin Asiruddin Atmajanagara Panembaan Natakusuma peng settong se kasambat Panembaan Somala amarga salerana kantos adinggal dunnya kabadha'an somala otaba samporna. Salerana kalonta rato se longet tor ballina Allah. Sala settong bajana Bhindara Saod se kaagungan asma Soltan Abdurrahman ajajuluk Pangeran Tirtadinigrat Panembaan Nataningrat Soltan Natakusuma peng dhuwa' se marenta langkong 43 taon, dhari taon 1811 kantos 1854.

Saterros epon Pamarentaan Songennep se eparenta sareng pettong toron, toronanna Kyae Abdullah Batoampar Luk-Guluk kantos Radin Tamenggung Arja Prabuwinoto e taon 1928, pas eparenta sareng Radin Tumenggung Samadikun kantos dha' jaman kamardikaan.

Badhana careta nagara songennep ka'dhinto, nyoppre daddiya kaca kebbang monggu badan kaula sareng para ajunan sadaja langkong-langkong dha' para anom ngangodhadan, materros tor matotok abangon

pambangunan, majek-jek tor masodek kantos segeg, badhana tareka rarenggan abangon nagara tor agimpo' bhangsa.

PANGAREB :

Nyambi motor nompa' parao

Ngala' po'lot barnana mera

Manabi pamator bada se kalero

Sala lopot nyo'ona sapora

Akhiron, Tyummassalamau'alaikum Warahmatullahi Wabarakatuh

Sumenep, 31 Oktober 2024

DEWAN PERWAKILAN RAKYAT DAERAH
KABUPATEN SUMENEP
Wakil Ketua,

ttd

H. INDRA WAHYUDI, SE., M.Si

5. Pranata Semo

Para rabhu se padhe parjuga, sateros epon ngereng peyarsaagi dhadhabun deri salerana se molja Katuwa DPRD Kabupaten Songennep, dhe' Bapak H. Zainal Arifin, SH badan kaule ngatore



H. Zainal Arifin, SH sebagai Katoa DPRD Kabupaten Sumenep ngatorragi dhedebun

6. H. Zainal Arifin, SH (Katoa DPRD Kabupaten Sumenep)

Bismillahirrohmanirrohim

Assalamualaikum warahmatullahi wabarokatuh

Dha' se badan kaula hormadhi taretan Plt. Bupati songennep

Dha' se badan kaula hormadhi taretan Unsur Forum Komunikasi Pimpinan Daerah Kabupaten Songennep

Dha' se badan kaula hormadhi ca-kanca Pimpinan DPRD, Pimpinan Fraksi, Pimpinan Alat Kelengkapan sareng ca-kanca Anggota DPRD Kabupaten Songennep;

Dha' se badan kaula hormadhi taretan Sekretaris Daerah, Asisten Sekda, para Kapala OPD, Kepala Bagien, para Camat sareng sadhâjâ unsur Pangastan pamarentaan kabupaten songennep;

Dha' se badan kaula takdzimi para pangromat panata aghâma Alem Olama, tor Tokoh Masyarakat, Katowa Parpol, Katowa Lembaga Swadaya Masyarakat, Organisasi Kapamudaan, ca-kanca Pers sareng para rabu se padâ moljâ

Ngabidi pamator da' para rabu sa'at samangken se kaparengan birbarka paneka, langkong dhimen ngereng same-same ngonjukkagi poji tor sokkor da' ajunan-epon Guste Allah se Maha Socce tor Maha Agung,

amarga atas tebanan Rahmat, Taufiq sareng Hidayah epon badan kaula sadaja bisa apanggih pole e dalemanna Rapat Paripurna Parengeddan Hari Kathettienna Kabupaten Songenep se Kapeng 755.

Sholawat sareng salam moga teptep etebha'aghiya da' salerana Ghuste Kanjeng Nabbhi Muhammad *Sallahu Alayhi Wasallam* menangka Rasul pamongkas tor otosan epon Allah se eyotos kaangghuy mateppa' akhlaq para ummat manossa se jhughan menangka rahmat mongghu alam sa antero jagat paneka.

Para Rabu Sidang Paripurna se Pada Parjugha

Sarempék sareng gumilirra bakto, ta' ekarassa ja' Kabupaten Songenep ampon aomor langkong pettong abad. Se Pettongatos Saeket Lema' Taon tapongkor aropa'agi rontodda bakto se cokop lanjang, monggu kaodi'an magarsare e ngenggune. Se tantona tak kera lopot dari jejjerra careta kabadha'an Nagara Songenep.

Sala settong kabupaten se enggun paleng konco' temor polo madura, kalaban ekobengnge polo-polo se indah tor asre, jugan anggaduwi macemma pangoreban se nyambadane dha' antero magarsare e kobengnga. Se tantona ampon andaddiyagi kabarentengngan ka'anguy areng-sareng nyokkore ka'angguuy nombuwi

ka'asreyan tor kasenengngan se tadha' engganna dha' Ajunan Allah se amorba jagat, se merte tor se mokte.

Parengaddan are Thettina Kabupaten Songenep se kapeng 755 tantona anggadhuwi ma'na se dhalem tor amegunane da' para magarsare songenep. Masa kejayaan ka'dinto ampon daddi pangareb nyoppre andaddiyagiya kanyata'an, se kantos mampo erassa'agi sareng magarsare sa'anterona. Se ka'dhimma aropa'agi ngen-angen tor pangareb se saremppek sareng santerra pambangunan se ampon kalampan, jugan bab pangladin dha' magarsare se ampon dhapa' dha' terga'na lalampan se samporna, akadi se daddi pangareb dari sadaja magarsare Songenep.

Masa kejayaan se katompangan kalaban kareb se gate gumate nyoppre andaddiyagiya Songenep menangka jujukanna magarsare se apangareb kantos masamporna atas sadaja kamajuwan Nagara Songenep.

Se ka'dhimma parlo ekagali ja' ka'angguy awujuttagiya masa kejayaan banget parlona ka'annguy mareksane tor nalektegi pole dha' sadaja lalampan se ampon kalampan. Ponapa sadaja lalampan ampon saremppek sarengan pangamre magarsare Songenep, se kantos nambuwagi bul-ombul masa kejayaan se ka'dhimma ce' parlona e gi'-gigi'

areng-sareng, tor manabi gi' korang samporna, nyoppre epaloros pole dha' sadaja lalampun se korang sarempok sareng tojuwan tor ngen-angen ka'angguy awujuttagiya bul-ombul masa kejayaan Songenep.

Dhari gambaran tojuwan pambangunan ekonome Kabupaten Songenep se ngadhebbi pan-saponapan pongpangan ka'dhinto, pramela ce' parlon a enggala eyatase ka'angguy mapoket lampa karsa magarsare nyopre nyamporna'agi pangalola'an pendapatan asli daerah dhari pajek sareng retrebusi, pangembangan sektor pariwisata, rarenggan jaminan kesehatan nasional lebat rarenggan UHC, juhgan majurbu investasi daerah penyertaan modal.

Saterossepon bab se parlo badan kaula mator poma-poma e ka'dhinto ja' se andaddiyagi penonjul settong daera e jaman samangken etantowagi sareng kamampowan daera e dhalemmanna nyoson lampa karsa magarsare se panonggul. Karsa lampa magarsare aropa'agi kapotosan politik se manyolbu', se ebadhi sareng daera aropa'agi rarenggan ka'angguy alampane tojuwan.

Karsa lampa magarsare aropa'agi cara longet ka'angguy ngaterragi magarsare dha' baktu kabidan noju maso' da' jaman se bakal agingser ka'angguy noju dha' pangareb tor ngen-angen magarsare.

Karsa lampa magarsare aropa'agi balangaja ka'annguy abangon tojuwan ka bingkeng are dhari samangken. Namong pongpangan se paleng raja se bakal eyadhebbi samangken enggi paneka se paleng otama karsa lampa magarsare se ta' sakareb kalaban se ekakareb. Namong badhana esoson adhasarragi kalaban cara biyasa se ampon kalampan otaba ngen-angen kosong.

Lampa se sarombanan ka'dhinto terros kalampan, cara se kadi paneka jugan elampane dha' bab pangatoranna se esoson dhalem bangonna rarenggan, lalampan sareng panalektegan. Enghale karsa lampa magarsare ta' cokop gun e etalektegi bisaos. Se koduna ekodhali, eyator sareng etata. Manabi karsa lampa ta' ekodhali, maka bisa gampang burung, bisa mamatta parembagan tor bisa esalethongngangi sareng oreng laen.

Pramela dhari paneka e dhalem papanggin parengeddan hari jadi paneka, badan kaula ngarep nyoppre nyosonna karsa lampa magarsare bisa'a nompange dha' tojuwan pamarenta Kabupaten Songenep, kaangguy notodi pangareb monggu masa kejayaan.

Para Rabu Rapat Paripurna se Pada Parjuga

E dhalem kasempatan paneka badan kaula terro maemoda, amarga taon mangken maso' ka taon politik, tor Songenep aropa'agi roma

patobin se daddi enggun ngabidi dhalem gandhu'anna ebu kantos edinggalagiya. Pramela sabban-sabban penonggul tor pangraja pamarenta koduna nanceppagiya dha' baten rassa tanggung jawab, ka'angguay terros abalangaja tor gate gumate anangkatagi kasamporna'an magarsare sadajana se ta' mabi pele kase, tadha' e tokka' tadha' e dhai, se aropa'agi balangajana badan kaula sareng para ajunan para penonnggul pamarenta'an e Songennep.

E dhalemmanna ngadhebbi kabadha'an taon politik, pangareb kaula, sadaja ja' kantos akareggingan otaba ja' acaggigan, amarga Songennep aropa'agi roma patobin se daddi enggun molae gi' baji'. Maksodda ngereng Songennep paneka jaga areng-sareng, sanaos bida pamanggi sareng pangareb. Ta' mabi saleng ca'-koca'an, nyare sala, nambai sala, ababasto, nanoras kantos abau fetenna, ka'agguy ajungka'agiya moso politik, eman ka lampa bagus se pan-saponapan taon eperte, tor eman ka ibadana dha' Guste Allah se amorba jagat. Amarga sadajana padha ommadda salerana Kanjeng Nabbi Muhammad Rasulullah Shallahu 'Alaihi Wasallam. Ja' kantos daddi rosagga se ataretan, se akanca kantos daddi moso ta' kalaban, kantos megga' tale silaturrahmi.

Pangareb badan kaula, ngereng abaliya pole dha' enggunna bang-sebang. Pangalampa nagara ngereng alampa'agi lalampanna, se panyaesse tor pangolat rarenggan saka'dhinto jugan, se etoro'e sareng kajunelanna bang-sebang.

Manabi sadaja pangareb badan kaula ampon elampa'agi kalaban samasthena, insyaalah sadaja bisa ajalan areng-ereng rampa' naong baringin korong, ngarengo tor merte sumenep nojju dha' ka masa jaja rajja gumilang (masa kejaya'an).

Para Rabu Rapat Paripurna se Pada Parjuga

Sabelunna badan kaula mongkase pamator, ngereng padha nyo'on dha' guste allah se amorba jagat, se merte tor se mokte, moga kasokana apareng kakowadan tor kamapowan laher baten dha' badan kaula sareng para ajunan sadaja ka'angguy awujuttagi ngen-angen tor pangareb se socce tor molja ka'angguy ngaterragi Songennep nojju dha' labang galidigan masa kajajaan se rajja gumilang, rampa' naong baringin korong, gemah ripah loh jinawe, tata tentrem kerta raharja.

Ngare' lalang ngarek rebba

Ngare' rokem babana bato

Ngerem salam ngerem semba

Ngerem songkem ban pangesto

“DIRGAHAYU KABUPATEN SUMENEP YANG KE-754”

Wallahul Muwaffiq Ilaa Aqwamith Thoriq

Wassalamualaykum Warahmatullahi Wabarokatuh

Songennep, 31 Oktober 2024

KATOWA DPRD KABUPATEN SONGENNEP,

ttd

H. ZAINAL ARIFIN, SH

7. Pranata Semo

Para rabhu se padhe parjuga, saterosepon enggi ka'dinto dhadhabun dhari se molja Plt. Bupati Songennep, dhe' salerana ebu Hj. Dewi Khalifah, S.H., M.H., M.Pd.I badan kaule ngatore



Hj. Dewi Khalifah, S.H., M.H., M.Pd.I sebagai Plt. Bupati Songenep maso dhedhebun e delem Rapat Paripurna Marengeddi are Kadaddiyan Kabupaten Songenep

8. Hj. Dewi Khalifah, S.H., M.H., M.Pd.I (Plt. Bupati Songenep)



BUPATI SUMENEP

**BUN-DHABUN BUPATI SONGENEP NENG E ACARA
RAPAT PARIPURNA DPRD KABUPATEN SONGENEP
KALABAN BUL-OMBUL MARENGEDDI ARE KADADDIYAN
SE KAPENG 755 KABUPATEN SONGENEP TAON 2024**

*Se badan kaula hormadi, Katowa sareng Bakkel Katowa DPRD
Kabupaten Songenep,*

Se badan kaula hormadi, Anggota Forkopimda Kabupaten Songenep,

*Se badan kaula hormadi, Sekretaris Daerah Kabupaten Songenep
sareng para Asisten Sekda,*

*Se badan kaula hormadi, para Pimpinan OPD, Kepala Bagian sareng
Camat e sakobengnga Pamarenta'an Kabupaten Songenep,*

Se badan kaula hormadi, Katowa Dharma Wanita Persatuan Kabupaten Songennep,

Se badan kaula hormadi, para Pimpinan Instansi Vertikal, Pimpinan BUMN, Pimpinan BUMD, Insan Media, para onjangan tor para rabu se pada parjuga.

Ngabidi pamator, ngereng badan kaula sadaja ngonjukkagi poji sokkor ka Ajunanna Allah *Subhanahu Wa Ta'ala*, pangeran se Maha Agung tor Maha Kobasa, amarga badhana Rahmat sareng Hidayah Epon, e are samangken sadaja bisa angrabuwi acara **Rapat Paripurna DPRD Kabupaten Songennep se Kalaban Bul-Ombul Marengeddi Are Kadaddiyan Se Kapeng 755 Nagara Songennep Taon 2024.**

Bid nyama badan kaula sareng pamarenta daera, ngatorragi poji salamet monggu are ngadegga Nagara Songennep se Kapeng 755, tor dha' sadaja magarsare, sae se badha e daradan sanaos e polo-polo sakobengnga, malar moga tor malar mandar kalaban atamba'a omor Kabupaten Songennep, bakal atamba jungan kasamporna'an tor kamojra'an monggu magarsarena.

Ta' lopa juga badan kaula ngatorragi mator sakalangkong tor pangaregga'an da' para sana' baraja sabarundut taretan DPRD Kabupaten Songennep se ampon soddi mabadha gin-panggin otaba

Rapat Paripurna Istimewa menangka are ngadegga Kabupaten Songennep e Taon 2024 paneka.

Malar moga tor malar mandar gin-panggin are ngadegga Nagara Songennep paneka daddiya pabinareng ka'anguy nambai kakowatan tor kakompagan badan kaula sadaja, husus-epon antara *Legislatif* sareng *Eksikatif*, nyoppre awujuttagi tombuna pangaraeb sareng kabutowan magarsare e dhalemanna ngalampa'agi pambangopnan e Kabupaten Songennep.

Para Rabu se Padha Parjuga,

Pamarenta Kabupaten Songennep terros abalangaja ngalampa'agi rarenggan pambangunan se saremppek sareng *visi tor misi* Kabupaten Songennep se ampon ejarba'agi e dhalemmanna RPJMD Taon 2021 kantos 2026. Lalaman para pangator kabupaten naleka bakto tello taon nem bulan, ampon kengeng 74 pangareggaan sae ondhak regional sanaos nasional.

Pangaregga'an nasional se pongkasan enggi paneka bab pangaregga'an e dhalemmanna akuntabilitas kinerja pemerintah (Sakip) taon 2024 kalaban predikat nilai BB (banget sae) dhari Kamantreyan Pendayagunaan Aparatur Negara sareng Reformasi Birokrasi.

Pangaregga'an **sakip** se noduwagi ja' Pamarenta Kabupaten Songennep se banget barenteng tor ngongguwagi ka'annguy awujuttagi pamarenta'an se berse tor jau dhari KKN jugan anengkatagi kabinarengan angladine kabutowanna magarsare Songenep se kantos gate gumate. Amarga atamba tenggi lampa (*akuntabilitas*) lalampun sareng *efisiensi* se aguna'agi baragat (*anggaran*) e tong-settonga instansi pamarenta.

Pamarenta Kabupaten Songennep jugan ampon mampo neggudi tor masekken badhana pangaregga'an sabak pamanggi pantes se ta' mabi kajaban predikat *Opini Wajar Tanpa Pengecualian (WTP)* se ta' ga'pegga' kantos pan-saponapan taon.

Badhana pan-saponapan pangaregga'an se etarema paneka noduwagi ja' pamarenta Kabupaten Songennep sabatara paneka ampon kengeng pamoji se langkong samporna se sarempék sareng balangajana, se ka'dhimma noduwagi ja' rarenggan tor lalampun Pamarenta'an Kabupaten Songennep ampon ejalane sareng kabadha'an lancar samporna akadi uwit otaba garis se ampon etantowagi.

Para Rabu se Padha Parjuga,

Adhasarragi ngokor lampa nokdugga lalampun (*indikator makro capaian pelaksanaan*) pambangunan Kabupaten Songennep, se jarba'agi akadi ka' dhinto :

Se kabidan, ngokor lampa pangonggar oreng/manossa (*indeks pembangunan manusia*) se aropa'agi sala settong okoran dhuggana lalampun kantos samporna badhana pambangunan e Songenep ampon bisa maongga, neng e taon 2023 sabannya' 68,49 onnga 0,6 *point*, manabi ebandhingagi sareng IPM taon 2022 se namong 67,87.

Se kapeng dhuwa'; tombuna ekonomi otaba mojra'na ekonomi aropa'agi pangokor duggana tor tenggina pangaselan magarsare se eyokor kalaban cara se samasthena. Mojra'na otaba tombuna ekonomi Kabupaten Songenep ampon badha onggana, neng e taon 2023 sabannya' 5,35 se neng taon 2022 se namong 3,11%.

Se kapeng tello', angka kameskenan, kor-okor angka magarsare mesken e Kabupaten Songenep ampon abak toron neng e taon 2024 bannya'na magarsare mesken 17,78%, ampon toron manabi ebandhingagi sareng taon 2023 se kantos 18,7 %.

Se kapeng empa', tingkat pangangguran terbuka; adhasarragi bitongan (*data*) neng e Badan Pusat Statistik (BPS) Provinsi Jaba Temor Tingkat Pengangguran Terbuka (TPT) gi' bada e enggun paleng maba sa jaba temor. Neng e taon 2023 TPT Kabupaten Songenep sabannya' 1,7% dineng taon 2022 sabannya' 1,36%.

Se kapeng lema', nilai lampa namen bandha (investasi). Nilai investasi se maso' dha' Kabupaten Songennep e Taon 2023 sabannya' 2,1 trilyun, dineng e taon 2022 namong 1,78 trilyun.

Se kapeng ennem, ngokor lampa (indeks) gini, angka ngokor lampa gini Kabupaten Songennep gi' neptep (*stabil*) tor maso' okoran maba. Neng e taon 2023 sabannya' 0,287 lankong sae dhari jaba temor sareng nasional. Ngokor lampa (*indeks*) gini Songennep nuduwagi ja' ella' tempang (*ketimpangan*) pambangunan e Songennep banget sempet otaba sakone' parana. Se ka'dhimma nandha'agi ja' badhana pambangunan e Songennep ampon rata, ta' gun coma e ne'madi sareng galimpo' oreng se gun-paggun.

Se kapeng petto', pertumbuhan UMKM, badhana UMKM e Kabupaten Songennep ampon onggga dhari 281.467 UMKM e taon 2021, ampon kantos 282.712 UMKM otaba atamba 1.245 UMKM e taon 2023. Odhi'na UMKM Songennep se ta' lopot dhari kalongedanna Achmad Fausi se lako mabada gin-panggin e Songennep. Banget bannya' papanggiyan se agandhu' manfa'at amegunane kantos bisa tombu gamba' se apanggibat sampornana pangoreban magarsare Songennep.

Se kapeng ballu', ngator pamarenta'an (tata kelola pemerintahan). Cara ngator pamarenta'an e Kabupaten Songennep e dhalemmanna bakto tello taon bingkengan, ampon atamba sae. E taon

2024 Kabupaten Songenep ampon kengeng maongga pangaolle angka **Sakip** kantos **BB** (banget bagus/sae), se sabellunna namong kengeng olleyan **B** (bagus/sae). Neng e bab repoddan bang-obangan pamarenta daera (bidang laporan keuangan pamerintah daerah/**LKPP**) Pamarenta Kabupaten Songenep. Se ka'dhimma Pamarenta Kabupaten Songenep jugan ampon mampo neggudi tor masekken badhana sabak pamanggi pantes se ta' mabi kajaban predikat opini wajar tanpa pengecualian (WTP) kantos pettong kale se ta' ga'pegga', ngabidi taon 2018 kantos taon 2024 dhari Badan Pemeriksa Keuangan Republik Indonesia (BPK RI).

Se kapeng sanga' otaba se pongkasan, ngokor lampa abangon disa, ngabidi taon 2021 kantos taon 2024 Kabupaten Songenep ampon mampo ngosot sabak disa se kadinggalan (status desa tertinggal) tor ampon onggka ka sabak disa manjeng dibi' (mandiri). Se adhasarragi dhari okor lampa disa abangon (indeks desa membangun) e taon 2024, Songenep samangken ampon ka'agungan 92 disa se ampon mekkar (desa berkembang), 137 disa maju, tor 101 disa manjeng dibi' (mandiri). Maksodda sa'abidda Songenep se etekkem/epergem sareng badan kaula areng-sareng (Fausi & Kholifah) ampon ngembadi ka'angguay nambai 100 disa se mampo manjeng dibi' (mandiri). Asel ganeka sadaja aropa'agi asel dhari sadaja balangaja se gate gumate alako jung-rojung areng-sareng magarsare kantos bisa jaja rajja samporna.

Para Rabu se Padha Parjuga,

Neng e are se agandhu' sajara paneka, badan kaula ngatorragi saebu mator sakalangkong tor pangaregga'an se banget tenggi dha' sadaja salerana se badan kaula hormadi para Bakkel Magarsare (Anggota DPRD) kalaban badhana sambung rassa se sepa' patot tor parjuga, kantos bisa ajanggo pangarep samporna monggu kabadha'an magarsare enggun Songennep.

Jugan ngatorragi mator sakalangkong tor pangaregg'an se banget tenggi dha' salerana Forkopimda Kabupaten Songennep, enggi paneka salerana Kapolres Songennep, Dandim 0827 Songennep, Kapala Kajaksaan Nagara Songennep, Katowa Pangadilan Songennep, se ampon alampa sareng se anddadiyagi parjugana kantos Songennep paggun aman jaja rajja parjuga.

Jugan ta' loppa badan kaula ngatorragi mator sakalangkong dha' sadaja pangladin magarsare (birokrasi) Kabupaten Songennep, TNI, POLRI, ponggaba sabarundhut sapangereng (Instansi Vertikal), Civitas Akademika, pangalampa pangastan (pelaku bisnis), pangabaran (insan media), sadaja galimpo' magarsare, galimpo' panata gama (para tokoh agama/Ulama) tor sadaja magarsare Songennep.

Para Rabu se Padha Parjuga,

Saka'dhinto bisaos pamator jugan e dhalemmanna gin-panggin se agandhu' kabunga'an paneka badan kaula ngatorragi poji salamet ngadegga Nagara Songennep se Kapeng 755 neng e Taon 2024, kalaban bul-ombul Bismillah Angladine (*bismillah melayani*) ngereng abalangaja gate gumate, jung-rojung ngosong lombung areng-sareng nyoppre nojju dha' Songennep jaja rajja ngadek sodek parjuga.

Wassalamu'alaikum Warohmatullahi Wabarokatuh

Plt. Bupati sumenep

ttd

Hj. DEWI KHALIFAH, S.H., M.H., M.Pd.I

9. Pranata Semo

Para rabhu se padhe parjuga, ngireng sadeje areng-sareng adhu'a nyo'on dha' guste Allah se merte tor sakte, se hal ka'dinto esepoe sareng salerana Bapak H. Muhammad Mabru, SH., MM deri Kamantrean Agama Kabupaten Songennep, beкто kaator.



10. H. Muhammad Mabur, SH., MM (Pembaca Doa)

Assalamu'alaikum Wa Rahmatullahi Wa Barakatuh

Bismillahirrohmanirrohim

Alhamdulillahirobbil 'Alaamiin

Hamdan Syakirin, Hamdan Na'emin

Hamdayyuwafi ni'amahu wa yukafi mazidah

Ya Rabbana kamaa yam baagili wajhikal karimi wa adhimi shulthonik.

Allahumma Sholli 'Ala syayyidina Muhammadin wa 'alaa alihi wa shohbihi ajmain.

Ya Allah, Ya Rahman Ya Rahim

Abdhidhalem nyo'ona belles ajunan

Dhelem Rapat Paripurna ka'dinto

Saengge bisa ngaellagi pan saponapan ka saeyan de' Kabupaten

Songennep

Jugen abdhi dhelem nyo'ona Ridha Ajunan

Terros majungi sadheje se ampon rabhu e ka'dinto kalanguen

Ya Allah se Maha Belles tor Maha Pangapora

Abdhi delem ngo'ona paneser jhugen tor pangapora Ajunan

Sapora'agi dusa-dusa abdhi dhelem, bengaseppo abdhi dhelem, jugen sadheje se nyeppoe Pamarenta ka'dinto.

Tor jugen, satheje oreng-oreng se ampon sethe delem araksa, aladhin nagere ka'dinto.

Rabbana atina fiddunnya hasana, wa fil'a khiroti hasana, wa qina adha bannar.

Wadhinnal jannata ma'al abror

Ya Azis Ya Gaffar Ya Rabbal 'Alamin

Birohmatika Ya Arhamarrohimin

Wa shallallahu 'ala syayyidina Muhammad

Wal Hamdulillahi Robbil 'Alaamiin.

Alfatihah ...

11. Pranata Semo

Acara sateros epon ka'dinto abdina pasra'agi dha' salerana se molja Pimpinan Rapat DPRD Kabupaten Songenep

12. Katoa Rapat

Para Rabu, Rapat Paripurna, se Same Parjuga

Saka'dhinto, sadaja rarengan acara Rapat Paripurna Parengeddan Are Thettina Kabupaten Songenep se Kapeng 755 (*pettong atos saeket lema'*) malar moga tor malar mandar abakta hikmah dha' badan kaula sareng para ajunan sadaja e dalemanna masegger pangaemot panggaliyan para ajunan dha' ka rarengan tareka para bangaseppo, se ka'dhimma manyettonga sareng abalangaja aba' kaangguy materros alampa'agi asta-an para bangaseppo abangon Songenep, menangka roma patobin badan kaula sareng para ajunan sadaja.

Sabellun epon rapat paripurna paneka etotop, komalancang badan kaula bit asmaepon Pimpinan DPRD ngonjjugagi mator sakalangkong se tadha' batessa dha' sadaja para rabu se ampon soddi angrabuwi gin-panggin se banget agumbira'agi ka'dhinto.

Akher-epon, Rapat Paripurna Parengeddan Are Thettina Kabupaten Songenep se Kapeng 755 (*pettong atos saeket lema'*), lerres pokol 10.51 bakto Indonesia Bagian Bara', kalaban pangocap “**alhamdulillahirobbil alamin**” badan kaula anyataagi etotop.

(Katua Rapat Ngetok Palu tello kale)

Wabillahittaufiq wal hidayah

Wassalamualaykum warahmatullahi wabarokatuh

VI. PENUTUP

Demikianlah catatan Risalah Rapat Paripurna DPRD Kabupaten Sumenep Masa Sidang I Tahun Sidang 2024 dengan acara Memperingati Hari Jadi Kabupaten Sumenep yang ke 755, yang dapat dirisalahkan.

Sumenep, 31 Oktober 2024

DPRD KABUPATEN SUMENEP
KETUA RAPAT



H. DUL SIAM, S.Ag., M.Pd

SEKRETARIS DPRD
KABUPATEN SUMENEP



YANUAR YUDHA BACHTIAR, S.Pi., M.Si
Pembina Tk. I
NIP. 19800111 200604 1 011